

Տ. ԶԱՏԻԿ ՎԱՐԴԱՊԵՏ ԱՎԵՏԻՔՅԱՆ

Ծնվել է 1957 թ. օգոստոսի 7-ին Երևանում: Ավագանի անունն է Վաչագան:

1974 թ. ավարտել է Երևանի Դերեճիկ Դեմիրճյանի անվան միջնակարգ դպրոցը և նույն տարին ընդունվել Ս. Էջմիածնի հոգևոր ճեմարան ու այն ավարտել 1979 թ. սայիսին:

1978 թ. մայիսի 27-ին Մայր տաճարում ձեռնադրվել է սարկավագ:

Հոգևոր ճեմարանն ավարտելիս Տ. Զատիկ վարդապետ Ավետիքյանի դիպլոմաին աշխատանքի թեման է եղել «Ստեփանոս արքեպիսկոպոս Օրբելյանի «Հակաճառութիւն ընդդէմ երկաբնակաց» ծողովածում և նրա նորագոյտ հատվածները»: 1980 թ. ապրիլի 23-ին, հոգևոր ճեմարանում կապած հանդիսության ժամանակ, Տ. Զատիկ վրդ. Ավետիքյանը հանդես է եկել իր վերոհիշյալ ավարտաճառի բանավոր պաշտպանությամբ:

1980 թ. հունիսի 8-ին, Ս. Էջմիածնի Կաթողիկեի տոնին, ձեռնադրվել է կուսակրոն բահանա՝ ձեռամբ Ամենայն Հայոց Վեհափառ Հայրապետի:

1979—1982 թթ. աշխատել է «Էջմիածին» ամսագրի խմբագրությունում որպես քարտուղար:

1980—1982 թթ. կատարել է Վեհափառ Հայրապետի գավազանակրի պաշտոնը, կրոնագիտական առարկաներ դասավանդել հոգևոր ճեմարանում, միաժամանակ որպես ազատ ունկնդիր մասնակցել Երևանի պետական համալսարանի բանասիրական ֆակուլտետի դասընթացներին:



1982 թ. նոյեմբերին, Վեհափառ Հայրապետի բարձր կարգադրությամբ, հայր Զատիկը մեկնել է Լիոն՝ ուսումը շարունակելու տեղի Համալսարանի Աստվածաբանության ֆակուլտետում: Հայր Զատիկը նաև իր ծառայությունն է բերում Լիոնի, Սենթ Էթեն-նի և Վիեննի հայկական եկեղեցիներում: